

KREU III
PROCEDURAT E APLIKIMIT DHE TË VLERËSIMIT

Neni 12

Kriteret e nevojshme për aplikim

1. Aplikuesit mund të jenë fermerë, grup fermerësh, persona fizikë ose juridikë, Shoqëri të Bashkëpunimit Bujqësor (SHBB), Organizatat e Peshkimit (OP).
2. Fermerët, duhet të jenë të pajisur me NIPT-in e fermerit.
3. SHBB-të, OMP-të dhe personat fizik dhe juridik të jenë të pajisur me NIPT/NUIS;
4. Aplikuesi me statusin fermer ose person fizik dhe juridik, që kryen aktivitet për prodhimin bujqësor dhe blegtoral, peshkim/akuakulturë, njësi agrikulturore, në momentin e aplikimit, duhet të paraqesë formularin e të dhënave të fermës, sipas formatit në Aneksin 2, bashkëlidhur kësaj rregulloreje.

Neni 13

Aplikimi

1. Informacioni për mënyrën e aplikimit, kriteret e nevojshme për përfitim, tarifat dhe mënyrën e procedimit deri në përfitimin e certifikatës paraprake apo certifikatës publikohet në faqen zyrtare të Ministrisë përgjegjëse për turizmin.

Aplikimi bëhet pranë Ministrisë përgjegjëse për turizmin.

Neni 14

Dokumentacioni për përfitimin e “Certifikatës Paraprake”

1. Me qëllim plotësimit të kriterëve të parashikuara në VKM nr. 22/2018, subjektet që aplikojnë për përfitimin e certifikatës paraprake duhet të paraqesin dokumentacionin e mëposhtëm:
 - a. Kërkesën për Aplikim, e nënshkruar dhe në rastin e personave juridikë e vulosur nga aplikuesi apo person i autorizuar prej tij, sipas formatit bashkëlidhur në Aneksin nr. 8, pjesë përbërse e këtij urdhëri;
 - b. Kartë identiteti e aplikuesit/përfituesit të certifikatës, si dhe NIPT-in për subjektin aplikues;
 - c. Plan-biznesin e nënshkruar dhe në rastin e personave juridikë vulosur nga aplikuesi apo person i autorizuar prej tij, sipas formularit të Aneksit 1 (për një periudhë jo më pak se 7 vjet);
 - d. Mandat pagesën për aplikim në shumën 2000 lekë;
 - e. Certifikatë pronësie/kontratë tjetër që vërteton marrëdhënien e lidhur me tokën ku do të ndërtohet objekti në funksion të agroturizmit, (Kopje të njehësuar me origjinalin). Certifikata e pronësisë duhet të shoqërohet me kartelën e pasurisë, e

- cila të jetë lëshuar brenda 3 muajve të fundit nga momenti që subjekti bën aplikimin;
- f. Leja e zhvillimit e lëshuar nga organet përgjegjëse për planifikimin dhe zhvillimin e territorit dhe/ose dokument nga bashkia që lejon ndërtimin e strukturës/objektit në funksion të agroturizmit;
 - g. Projekti dhe relacioni arkitektonik, i firmosur dhe vulosur nga Administratori i Subjektit dhe Inxhinieri/Studio inxhinierike që e ka hartuar projektin dhe relacionin, për të gjithë strukturën e agroturizmit që do të ndërtohet, ku të jetë e përfshirë ferma bujqësore/blegtorale/peshkim/akuakulturë ose njësia agrikulturore, akomodimi, ushqimi dhe pijet;
 - h. Grafikon e punimeve, i firmosur dhe i vulosur nga Administratori i Subjektit dhe Inxhinjeri/Studio inxhinjerike që e ka hartuar projektin dhe relacionin, si edhe nga Kompania e ndërtimit që do të realizojë punimet, i cili duhet të jetë në përputhje me vlefshmërinë e certifikatës paraprake;
 - i. Planvendosja e objektit dhe e fermës bujqësore/blegtorale/peshkim/akuakulture/njësisë agrokulturore, e firmosur dhe e vulosur nga Administratori i Subjektit dhe Inxhinjeri/Studio inxhinjerike që e ka hartuar projektin dhe relacionin, mbi fragmentin e hartës mbi gjendjen ekzistuese.
 - j. Dokumentet e përcaktuar në këtë nen duhet të jenë origjinalë, ose të njehsuar me origjinalin.

Neni 15

Dokumentacioni për përfitimin e “Certifikatës”

1. Krahas dokumentacionit që vertetojnë plotësimin e kriterëve të parashikuara në VKM subjektet duhet të paraqesin edhe dokumentacionin e mëposhtëm:
2. Dokumentat e nevojshme që duhet të plotësojë subjekti në lidhje me **fermën bujqësore/blegtorale/peshkim/akuakulturë apo njësinë agrikulturore janë:**
 - a. Kërkesën për Aplikim e nënshkruar nga aplikuesi apo person i autorizuar prej tij, sipas formatit bashkëlidhur në Aneksin 8, pjesë përbërse e këtij urdhri ;
 - b. Kartë identiteti e aplikuesit/përfituesit të certifikatës;
 - c. Certifikatën e regjistrimit – NIPT/NUIS;
 - d. Certifikatë pronësie për fermën/tokën ku zhvillohet veprimtaria që do të certifikohet ose kontratë për marrjen e saj me qira ose kontratë përdorimi për një periudhë jo më pak se 5 vjet. (Kopje të njehsuara me origjinalin). Certifikata e pronësisë duhet të shoqërohet me kartelën e pasurisë, e cila të jetë lëshuar brenda 3 muajve të fundit nga momenti që subjekti bën aplikimin;
 - e. Deklaratë për kulturat bujqësore të mbjella ose blegtorale sipas Aneksit nr. 7, të firmosur dhe vulosur nga Administratori i Subjektit, shoqëruar edhe me fotografi;
 - f. Plan-biznesin, të firmosur dhe vulosur nga Administratori i Subjektit, sipas formularit të Aneksit nr, 1 (për një periudhë jo më pak se 5 vjet);

- g. Të dhënat mbi Fermën sipas formularit të Aneksit nr. 2, të firmosur dhe vulosur nga Administratori i Subjektit;
 - h. Mandat pagesën për aplikim në shumën 2000 lekë.
3. Dokumentat e nevojshme që duhet të plotësojë subjekti në lidhje me **shërbimin e akomodimit**:
- a. Certifikatë pronësie/kontratë qiraje/kontratë përdorimi për objektin, të lidhur midis subjekteve me një afat jo më pak se 5 vjet. (Kopje të njuhësuar me origjinalin). Certifikata e pronësisë duhet të shoqërohet me kartelën e pasurisë, e cila të jetë lëshuar brenda 3 muajve të fundit nga momenti që subjekti bën aplikimin;
 - a. Planimetria e çdo kati për strukturën akomoduese e firmosur dhe vulosur nga Administratori i Subjektit dhe Inxhinjeri/Studio inxhinjrike që e ka hartuar projektin dhe relacionin, ku të jenë të identifikuar qartë numri i dhomave, në të cilën të përfshihet edhe plani i mobilimit;
 - b. Planvendosja e objektit, të firmosur dhe vulosur nga Administratori i Subjektit dhe Inxhinjeri/Studio inxhinjrike që e ka hartuar projektin dhe relacionin ose harta treguese e pasurisë;
 - c. Fotografi të jashtme të strukturës akomoduese dhe të brendshme të dhomave, të vulosura me vulën e subjektit aplikues;
 - d. Vetëdeklarim, sipas Aneksit nr. 3 për plotësimin e kushteve të bujtinës, sipas standardeve të përcaktuara në Aneksin 1/a, të VKM nr.730, datë 20.10.2016 “Për miratimin e rregullores për kushtet, kriteret, tarifat, afatet dhe procedurën për klasifikimin e strukturave akomoduese”, i ndryshuar, si dhe çdo dokument tjetër, të lëshuar nga organet kompetente për kategorizimin e strukturave akomoduese. Në rastet kur Komisioni ka paqartësi në lidhje me plotësimin e kushteve për strukturën/objektin akomodues, mund të ndërmerret nga ana e tij procedura e verifikimit në terren.
4. Dokumentat e nevojshme që duhet të plotësojë subjekti në lidhje me **shërbimin “ushqim dhe pije”**:
- a. Certifikatë pronësie/kontratë qiraje/kontratë përdorimi për objektin, të lidhur midis subjekteve me një afat jo më pak se 5 vjet, në rast se objekti ushqim dhe pije është i ndarë nga struktura akomoduese (Kopje të njuhësuar me origjinalin). Certifikata e pronësisë duhet të shoqërohet me kartelën e pasurisë, e cila të jetë lëshuar brenda 3 muajve të fundit nga momenti që subjekti bën aplikimin;
 - b. Fotografi të jashtme dhe të brendshme të restorantit, të vulosura me vulën e subjektit aplikues;
 - c. Deklaratë, të firmosur dhe vulosur nga Administratori i Subjektit, që mban përgjegjësi që minimalisht 30% e produkteve ushqimore dhe pijeve të jenë me origjinë nga ferma, jo më pak se 40 % të sasisë së tyre, me origjinë lokale, brenda territorit të bashkisë ku ushtrohet veprimtaria e agroturizmit dhe jo më shumë se 30% e sasisë së tyre me origjinë tjetër, sipas Aneksit nr.5;
 - ç. Plan-biznesin sipas formularit të Aneksit 1 (për një periudhë jo më pak se 5 vjet);

5. Dokumentat e nevojshme që duhet të plotësojë subjekti **për shërbimin “veprimtari argëtuese/çlodhëse, të lidhura me fermën ose mjedisin përreth”**
 - a. Deklaratë, të firmosur dhe vulosur nga Administratori i Subjektit, për llojin e veprimtarive që do të ofrohen, ku të paraqiten itineraret me shpjegimet përkatëse për çdo aktivitet, shoqëruar me dokumentin justifikues (si psh.: marrëveshjen me udhërrëfyesin turistik, certifikatën e udhërrëfyesit turistik të lëshuar nga Ministria përgjegjëse për turizmin etj) sipas Aneksit nr. 6;
 - b. Plan-biznesin sipas formularit të Aneksit 1 (për një periudhë jo më pak se 5 vjet);
6. Dokumentat e nevojshme që duhet të plotësojë subjekti që duhet të ofrojë edhe **shërbimin e akomodimit kamping:**
 - a. Certifikatë pronësie/kontratë qiraje/kontratë përdorimi për sipërfaqen ku do të vendosen makinat e fushimit me sipërfaqe jo më shumë se 1000m² shoqëruar me hartën treguese dhe planimetrinë/planin e vendosjes së makinave të fushimit, të lidhur midis subjekteve me një afat jo më pak se 5 vjet. (Kopje të njehësuar me origjinalin). Certifikata e pronësisë duhet të shoqërohet me kartelën e pasurisë, e cila të jetë lëshuar brenda 3 muajve të fundit nga momenti që subjekti bën aplikimin;
 - b. Vetëdeklarim nga aplikuesi, sipas Aneksit nr. 4, për plotësimin e kushteve të kampingut, sipas standardeve të përcaktuara në Aneksin 1/c, të VKM nr.730, datë 20.10.2016 “Për miratimin e rregullores për kushtet, kriteret, tarifat, afatet dhe procedurën për klasifikimin e strukturave akomoduese”, i ndryshuar, si dhe çdo dokument tjetër, të lëshuar nga organet kompetente për kategorizimin e strukturave akomoduese. Në rastet kur Komisioni ka paqartësi në lidhje me plotësimin e kushteve të arredimit mund të ndërmerret nga ana e tij procedura e verifikimit në terren.

Neni 16

Vlerësimi dhe pajisja me certifikatë

1. Brenda 50 (pesëdhjetë) ditëve kalendarike nga depozitimi i aplikimit në Ministri, Komisioni merr në shqyrtim dosjen e aplikantit dhe nënshkruan procesverbalin e vlerësimit për marrjen ose jo të certifikatës.
2. Procesverbali hartohet nga Sekretariati Teknik dhe firmosja kryehet nga Anëtarët e Komisionit.
3. Vendimi për pranimin ose refuzimin e aplikimit për pajisjen me certifikatë paraprake apo certifikatë bëhet mbi bazën e dokumentave të dorëzuara në procesin e aplikimit dhe rast pas rasti kur gjykohet e nevojshme nga verifikimi në terren.
4. Mungesa e njërit prej dokumentave të kërkuara, pas plotësimit të afatit kohor të specifikuar në nenin pikën 3, të nenit 7 të kësaj rregulloreje, çon në refuzimin e aplikimit.
5. Njoftimi i subjektit për tërheqjen e “Certifikatës paraprake” ose “Certifikatës” apo sipas rastit refuzimi i kërkesës për pajisje me certifikatë bëhet në formë shkresore,

brenda 7 (shtatë) ditëve pune nga data e lëshimit të certifikatës apo vendimit përfundimtar të refuzimit. Njoftimi bëhet nga sekretariati teknik i Komisionit.

6. Marrja/tërheqja e certifikatës paraprake ose certifikatës bëhet pranë Ministrisë përgjegjëse për Turizmin, nga vetë aplikuesi.

Neni 17

Pezullimi

1. Komisioni pezullon “Certifikatën paraprake” apo “Certifikatën” kur konstaton, kryesisht nga verifikimet e kryera prej tij apo nga organet përkatëse të bashkive, të inspektoriatit të turizmit, organet tatimore apo organet kompetente të inspektimit të ushqimit dhe kushteve higjeno-sanitare, ndryshim, mospërmbushje ose shkelje të një ose disa kriterëve dhe kushteve të përcaktuara në VKM nr. 22/2018 dhe në këtë rregullore.
2. Komisioni, brenda 5 ditë pune, nga dita e konstatimit të ndryshimit, mospërmbushjes apo shkeljes së një ose disa kriterëve dhe kushteve të përcaktuara në VKM nr. 22/2018 dhe në këtë rregullore, njofton subjektin mbi fillimin e procedurës së pezullimit të “Certifikatës paraprake” apo “Certifikatës”. Subjekti brenda 10 ditë pune, paraqet pranë Komisionit argumenta/prova/dokumentacionin e nevojshëm për plotësimin e kriterëve dhe/ose kushteve përkatëse.
3. Mos plotësimi i kriterëve/kushteve, brenda afatit të përcaktuar, në pikën 2, të këtij Neni përbën shkak për shfuqizimin e “Certifikatës paraprake” apo sipas rastit të “Certifikatës”;
4. Subjekti, të cilit i pezullohet “Certifikata paraprake” apo “Certifikata” nuk mund ta përdorë atë në ambientet e tij ose në emërtimin tregtar.
5. Vendimi i Komisionit për pezullimin e “Certifikatës paraprake” apo sipas rastit të “Certifikatës”, duhet të jetë i arsyetuar.
6. Në rast se shkaqet e pezullimit kanë rënë, Komisioni njofton pa vonesë subjektin.
7. Kundër vendimit të Komisionit për pezullimin e “Certifikatës paraprake” apo sipas rastit të “Certifikatës”, mund të bëhet ankim në Gjykatën Administrative të Shkallës së Parë Tiranë.

Neni 18

Shfuqizimi

1. Komisioni nga verifikimet e kryera nga ana e tij, kryesisht apo nga shkeljet e konstatuara nga organet përkatëse, pasi të ketë ezauruar procedurën që garanton të drejtën për t’u informuar, për të kërkuar sqarime rreth fakteve dhe për t’u dëgjuar, mund të shfuqizojë “Certifikatën paraprake” apo “Certifikatën” në rastin kur:
 - a. Konstatohen të dhëna të rreme në dokumentet e aplikimit për përfitimin e “Certifikatës paraprake” apo “Certifikatës”.
 - b. Nuk përmbushen brenda afatit shkaqet e pezullimit sipas përcaktimit të nenit 17.

- c. Subjekti shkel në mënyrë të përsëritur një ose disa prej kritereve dhe kushteve të përcaktuara në VKM nr. 22/2018, i ndryshuar dhe në këtë rregullore.
2. Shfuqizimi i “Certifikatës paraprake” ose i “Certifikatës” deyron subjektin të kthejë lehtësirat fiskale të përfituara, sipas parashikimit në pikën 18/1, nw VKM nr.22/2018, i ndryshuar.
3. Komisioni, brenda 5 (pesë) ditëve pune nga marrja e vendimit, i propozon ministrit nxjerrjen e aktit të shfuqizimit të “Certifikatës paraprake” apo “Certifikatës”.
4. Sekretariati teknik, brenda 3 (tre) ditëve pune nga nxjerrja e aktit, sipas pikës 2 të këtij Neni, njofton subjektin.
5. Ndaj vendimit për shfuqizimin e “Certifikatës paraprake” apo “Certifikatës”, mund të bëhet ankim në Gjykatën Administrative të Shkallës së Parë Tiranë.

Neni 19

Procesi i monitorimit

1. Monitorimi i të gjithë përfituesve të “Certifikatës paraprake” apo “Certifikatës” bëhet nga ana e organeve përkatëse të bashkive, inspektoratit të turizmit ose organeve kompetente të inspektimit të ushqimit dhe kushteve higjieno-sanitare, Agjencive Rajonale të Ekstensionit Bujqësor, Agjencive të Shërbimit Veteriner dhe Mbrojtjes së Bimëve, sipas fushës së përgjegjësisë dhe në përputhje me VKM nr. 22, datë 12.01.2018.
2. Në rast konstatimi të shkeljeve, organet e përmendura në pikën 1 të këtij neni njoftojnë Komisionin, nëpërmjet Sekretariatit teknik, duke i vënë në dispozicion kopje të firmosura dhe vulosura të akteve të inspektimit.

Neni 20

Vlefshmëria

1. Certifikata paraprake është e vlefshme për një periudhë 2 vjeçare. Certifikata është e vlefshme për një periudhë 5 vjeçare.
2. Pas plotësimit të afatit kohor të certifikatës paraprake subjektet duhet të aplikojnë për pajisjen më certifikatën, Certifikata paraprake lëshohet vetëm njëherë, pa të drejtë rinovimi.
3. Subjektet që zotërojnë Certifikatë paraprake, mund të aplikojnë për Certifikatë edhe para përfundimit të afatit dy vjeçar.
4. Pas plotësimit të afatit kohor të Cerifikatës subjektet duhet të aplikojnë përsëri për rinovimin e saj.

1. HISTORIKU I AKTIVITETIT QË APLIKON PËR CERTIFIKIM

1.1. *Aktiviteti aktual i aplikantit për t'u certifikuar si agroturizëm*

- *Përshkruani aktivitetin ekzistues që realizohet në fermën/ subjektin/ baxhon/linjën e përpunimit/ bujtinën tuaj etj.*
- *Përshkruani shërbimet që ofron ferma/subjekti/baxho/linja e përpunimit/bujtina etj duke specifikuar llojet e shërbimeve akomoduese/argëtuese/çlodhëse dhe kapacitetet që disponon për secilin nga shërbimet e ofruara në të.*
- *Përshkruani tregun e shërbimit/produktit tuaj si dhe konsumatorët tuaj kryesorë.*
- *Përshkruani kontratat ekzistuese me blerësit, furnizuesit e mallrave.*
- *Përshkruani shkurtimisht vëllimin ekzistues të shitjeve/shërbimeve dhe çmimet mesatare të marra*
- *Përshkruani konkurrentët dhe pozicionin tuaj në tregun lokal.*

1.2. *Struktura e pronësisë*

- *Shpjegoni dhe paraqisni një listë të individëve/shoqërive që kanë lidhje pronësie, apo marrëdhënie të tjera që lidhen me çështjet e pronësisë me aktivitetin/biznesin tuaj, të cilat janë të lidhura ngushtë me funksionimin e aktivitetit tuaj ekzistues (nëse ka).*

1.3. *Përshkrimi i pasurive që zotëron aktiviteti*

- *Përshkruani dhe paraqisni pasuritë që dispononi:*
 - *tokë (ha);*
 - *serra (ha)*
 - *stalla (m²)*
 - *numri dhe lloji i kafshëve në fermë*
 - *banesë e pronarit të fermës (m²)*
 - *magazina (m²)*
 - *linja përpunimi (lloji dhe numri);*
 - *makineri dhe pajisje (lloji dhe numri)*
 - *bujtina akomodimi (sip. m²); kapaciteti në tavolina (numër)*

- dhoma akomodimi (numër), shtretër (numër)
- sipërfaqe fushimi (m²) dhe kapacitet makinash fushimi (nr).

1.4. Burimet Njerëzore

- Numri total i të punësuarve me kohë të plotë si dhe numri i të punësuarve me kohë të pjesshme dhe sezonale dhe sa prej tyre jetojnë në fshatin/komunën/bashkinë ku zhvillohet aktiviteti juaj.
- Përshkruani strukturën e drejtimit të aktivitetit/biznesit

1.5. Performanca e aktivitetit për tre vitet e fundit si dhe perspektiva e së ardhmes për biznesin në fjalë

- Jepni përshkrime të nivelit të performancës financiare të kohëve të fundit.
- Për bizneset e regjistruara në organet tatimore, analizoni shkurtimisht informacionin e Bilancit dhe Pasqyrës së Ardhurave dhe Shpenzimeve për tre vitet e fundit, që janë dorëzuar së bashku me Formularin e Aplikimit.
- Në rast se biznesi/shoqëria nuk ka të dhëna të historikut financiar për të paraqitur për tre vitet e fundit, atëherë ajo duhet të paraqesë çdo informacion të disponueshëm mbi veprimtarinë e biznesit (p.sh. të vitit të kaluar).
- Në rast se aplikuesi nuk është i regjistruar pranë autoriteteve tatimor (në përputhje me legjislacionin në fuqi) ai mund ta lërë bosh këtë seksion.

Me respekt,

(Emër, Mbiemër, Firmë, Vulë)

ANEKSI 2: TË DHËNA PËR FERMËN

FORMULARI I TË DHËNAVE TË FERMËS

Emri:

Atësia:

Mbiemri:

Datëlindja:

--	--	--	--	--	--	--	--

Data Muaji Viti

NIPT

Numri personal (me 10 karaktere) nga karta e identitetit

Tel/Cel:

Rr, Ndërtesa, Hyrja, Apartamenti, Njësia administrative, Bashkia

Fshati:

Njësia administrative

Bashkia

Qarku

Sipërfaqja e tokës së fermës bujqësore (ha)

Nr	Kategoritë kryesore të tokës	Sipërfaqe në pronësi	Sipërfaqe e marrë me qira	Sipërfaqje gjithsej
		ha		
		A	B	C = A + B
1	Tokë arë gjithsej			
<i>a</i>	Drithra (grurë, misër, thekër, elb, tërshërë, etj)			
<i>b</i>	Perime gjithsej (perfshihen bostanoret)			
<i>c</i>	Në serra			
<i>d</i>	Në fushë			

<i>e</i>	Fasule			
<i>f</i>	Patate			
<i>g</i>	Bimë industriale (luledielli, duhan, sojë, etj)			
<i>h</i>	bimë medicinale, erëza gatimi etj).			
<i>i</i>	Foragjere			
<i>j</i>	Të tjera			
2	Drufrutorë			
<i>a</i>	Pemë frutore			
<i>b</i>	Ullishte			
<i>c</i>	Agrume			
<i>d</i>	Vresht			
3	Të tjera			
<i>a</i>	Fidanishte			
<i>b</i>	Kopësht shtëpie			
<i>c</i>	Livadhe e kullota			
<i>d</i>	Pyll			
<i>e</i>	Tokë jo-bujqësore (Sipërfaqja e zënë me ndërtesa si: (banesë, stalla, ambjente magazinimi jashtë banesës, rezervuar për kultivimin e peshkut/ akuakulturës, etj)			
4	Sipërfaqja gjithsej e Fermës: 4 = (1+2+3)			

Blegtoria

Nr	Lloji i kafshës	Krerë/ numër
1	Gjedhë gjithsej	
<i>a</i>	nga këto lopë	
2	Të leshta gjithsej	
<i>a</i>	nga këto dele	
3	Të dhirta gjithsej	
<i>a</i>	nga këto dhi	
4	Derra gjithsej	
<i>a</i>	nga këto dosa	
5	Shpendë gjithsej	
<i>a</i>	nga këto pula	
<i>b</i>	nga këto pata/rosa	
<i>c</i>	nga këto pula/gjela deti	
<i>d</i>	etj (sipas rastit)	
6	Kuaj	
7	Gomerë	
8	Koshere bletë	
9	Etj., sipas rastit	
10	Sipërfaqe Stalle (m2)

Fermt e peshkimit/akuakulturës

Nr	Lloji	Sipërfaqja e fermës në m2	Kapaciteti prodhues
1	Specifiko sipas rastit		

Njësi agrikulturore, që kanë si aktivitet përpunimin

Nr	Lloji i aktivitetit	Njësia	Kapaciteti prodhues
1.	Përpunim fruta perime (specifiko);		
2.	Përpunim rrushi (specifiko);		
3.	Përpunim ulliri (specifiko);		
4.	Përpunim qumështi (specifiko);		
5.	Përpunim mishi (specifiko);		
6.	Përpunim bimësh mjekësore dhe aromatike (specifiko);		
7.	Përpunim të produkteve të peshkut dhe akuakulturës (specifiko);		
8.	Tjetër (specifiko sipas rastit).		

Me respekt,

(Emër, Mbiemër, Firmë, Vulë)

ANEKSI 3 – VETËDEKLARIM

Unë i nënshkruari _____ me numër personal Nr. _____ deklaroj nën përgjegjësinë time të plotë se Subjekti _____ me NIPT/NUIS _____ plotëson të gjitha kriteret për strukturën dhe arredimin e Bujtinës sipas Aneksit 1/a, të VKM nr.730, datë 20.10.2016 “Për miratimin e rregullores për kushtet, kriteret, tarifat, afatet dhe procedurën për klasifikimin e strukturave akomoduese”.

Deklaroj se:

Njoh kuadrin ligjor dhe nënligjor në fushën që kërkoj të ushtroj aktivitetin.

Do të zbatoj të gjithë detyrimet që rrjedhin nga legjislacioni në fuqi.

Të gjitha të dhënat e mësipërme janë të vërteta dhe në përputhje me legjislacionin në fuqi.

_____, më datë/...../.....

Me respekt,

(Emër, Mbiemër, Firmë, Vulë)

ANEKSI 4 – VETËDEKLARIM

Unë i nënshkruari _____ me numer personal _____ deklaroj nën përgjegjësinë time të plotë se Subjekti _____ me NIPT/NUIS _____ plotëson të gjitha kriteret për strukturën dhe arredimin e Kampingut sipas Aneksit 1/c, të VKM nr.730, datë 20.10.2016 “Për miratimin e rregullores për kushtet, kriteret, tarifat, afatet dhe procedurën për klasifikimin e strukturave akomoduese”.

Deklaroj se:

Njoh kuadrin ligjor dhe nënligjor në fushën që kërkojë të ushtroj aktivitetin.

Do të zbatojë të gjithë detyrimet që rrjedhin nga legjislacioni në fuqi.

Të gjitha të dhënat e mësipërme janë të vërteta dhe në përputhje me legjislacionin në fuqi.

_____, më datë/...../.....

Me respekt,

(Emër, Mbiemër, Firmë, Vulë)

ANEKSI 5 – VETËDEKLARIM

Unë i nënshkruari _____ menumër personal
_____ deklaroj nën përgjegjësinë time të plotë se
Subjekti _____ me NIPT/NUIS _____
mban përgjegjësi që minimalisht 30% e produkteve ushqimore dhe pijeve të ofruara janë me
origjinë nga ferma (të prodhuara ose të përpunuara në fermë/njësine agrikulturore), jo më pak
se 40 % të sasisë së tyre, me origjinë lokale, brenda territorit të bashkisë ku ushtrohet
veprimtaria e agroturizmit dhe jo më shumë se 30% e sasisë së tyre me origjinë tjetër.

Deklaroj se:

Njoh kuadrin ligjor dhe nënligjor në fushën që kërkojë të ushtroj aktivitetin.

Do të zbatoj të gjithë detyrimet që rrjedhin nga legjislacioni në fuqi.

Të gjitha të dhënat e mësipërme janë të vërteta dhe në përputhje me legjislacionin në fuqi.

_____, më datë/...../.....

Me respekt,

(Emër, Mbiemër, Firmë, Vulë)

ANEKSI 6 – VETËDEKLARIM

Unë i nënshkruari _____ me dokument identifikimi
Nr. _____ deklaroj nën përgjegjësinë time të plotë se
Subjekti _____ me NIPT/NUIS _____
ofron:

1. Veprimtaritë e mëposhtme argëtuese/çlodhëse:

2. Iteneraret:

Deklaroj se:

Veprimtaritë argëtuese/çlodhëse dhe udhërrëfyesit përkatës janë në përputhje me ligjin nr.93/2015 “Për Turizmin”, i ndryshuar dhe VKM nr.692, datë 05.10.2016 “Për kriteret për pajisjen me certifikatë për ushtrimin e veprimtarisë së udhërrëfyesit turistik, detyrat, përgjegjësitë dhe kodin e etikës së tyre”.

Njoh kuadrin ligjor dhe nënligjor në fushën që kërkojë të ushtroj aktivitetin.

Do të zbatoj të gjithë detyrimet që rrjedhin nga legjislacioni në fuqi.

Të gjitha të dhënat e mësipërme janë të vërteta dhe në përputhje me legjislacionin në fuqi.

_____, më datë/...../.....

Me respekt,

(Emër, Mbiemër, Firmë, Vulë)

ANEKSI 7 – DEKLARATË PËR KULTURAT BUJQËSORE

Unë i nënshkruari _____ me dokument identifikimi
Nr. _____ deklaroj nën përgjegjësinë time të plotë se
Subjekti _____ me NIPT/NUIS _____
mban përgjegjësi që ka kultivuar dhe mbjellë kulturat e mëposhtme:

Nr.	Emërtimi	Sasia	Sipërfaqja	Numri

_____, më datë/...../.....

Me respekt,

(Emër, Mbiemër, Firmë, Vulë)

ANEKSI 8 – KËRKESË

_____, më datë/...../.....

Lënda: Kërkesë për t’u pajisur me certifikatën “Subjekt i Certifikuar për Veprimtarinë e Agroturizmit”.

Emri i subjektit aplikues: _____

NIPT: _____

Adresa e subjektit: _____

Nr. tel: _____ **Email:** _____

Dokumentacioni shoqërues i aplikimit

(Listë e dokumenteve shoqërues të aplikimit)

- 1.
- 2.
- 3.
- 4.
- 5.
- 6.
- 7.
- 8.
- 9.
- 10.

.....

Me respekt,

(Emër Mbiemër, Firma, Vula)